

四庫全書

集部

欽定四庫全書

集部

御選歷代詩餘卷三十九

詳校官中書臣潘有為

侍讀臣孫球覆勛

總校官進士臣朱 鈐

校對官主事臣陳文樞

勝錄監生臣李元儁

欽定四庫全書

御選歷代詩餘卷三十九目錄

六十字

蝶戀花

上

南唐李煜

馮延巳

十二首

丁謂

二首

晏殊

六首

宋祁

歐陽修 十四首

晏幾道 十三首

張先 二首

柳永 二首

蘇軾 十三首

秦觀

陳師道

李之儀 三首

賀鑄 四首

毛滂 八首

杜安世 四首

王詵

舒亶 二首

趙令時

秦觀

葛勝仲 三首

周紫芝

謝逸

周邦彥

十首

曹組

御選歷代詩餘卷三十九目錄

欽定四庫全書

選歷代詩餘卷三十九

六十字

司經局洗馬掌印事兼翰林院修撰加二級臣王奕清奉

校刊

蝶戀花 上

雙調六十字一名黃金縷一名鳳棲梧一名鶻踏
枝一名一籬金一名魚水同歡一名捲珠簾一名

明月生

南浦

蝶戀花

南唐李煜

遙夜亭皋閒信步纔過清明漸覺傷春暮數點雨聲風
約住朦朧澹月雲來去 桃李依依香暗度誰在秋千
笑裏輕輕語一片芳心千萬緒人間沒箇安排處

前調

馮延巳

梅落繁枝千萬片猶自多情學雪隨風轉昨夜笙歌容
易散酒醒添得愁無限 樓上春寒山四面過盡征鴻
暮景煙深淺一晌凭闌人不見紅綃掩淚思量徧

前調

馮延巳

秋入蠻蕉風半裂狼藉池塘雨打疎荷折遶砌蛩聲芳
草歇愁腸學盡丁香結 回首西南看晚月孤鴈來時
塞管聲嗚咽歷歷前歡無處說關山何日休離別

前調

馮延巳

牕外寒雞天欲曙香印成灰起坐渾無緒簷際高梧凝
宿霧捲簾雙鵲驚飛去 屏上羅衣閒繡縷一晌闌情
憶徧江南路夜夜夢魂休謾語已知前事無尋處

前調

馮延巳

蕭索清秋珠淚墜枕簟微涼展轉渾無寐殘酒欲醒中
夜起月明如練天如水階下寒聲啼絡緯庭樹金風
悄悄重門閉可惜舊歡攜手地思量一夕成憔悴

前調

馮延巳

煩惱韶光能幾許腸斷魂銷看却春還去祇喜牆頭靈
鵲語不知青鳥全相誤心若垂楊千萬縷水閣花飛
夢斷巫山路開眼新愁無問處珠簾錦帳相思否

前調

馮延巳

霜落小園瑤草短，瘦葉和風惆悵。芳時換，舊恨年年愁。
不管朦朧如夢空腸斷。獨立荒池，斜日岸牆外，遙山
隱隱。連天漢。忽憶當年歌舞伴。晚來雙臉啼痕滿。

前調

馮延巳

芳草滿園花滿目，簾外微微細雨籠。庭竹楊柳千條珠。
翠靱碧池波皺，鴛鴦浴。窈窕人家，顏似玉，絃管泠泠。
齊奏雲和曲。公子歡筵猶未足。斜陽不用相催促。

前調

馮延巳

幾度鳳樓同飲宴此夕相逢却勝當時見低語前歡頻
轉面雙眉斂恨春山遠蠟燭淚流羌笛怨偷整羅衣
欲唱情猶嬾醉裏不辭金盞滿陽關一曲腸千斷

前調

馮延巳

幾日行雲何處去忘了歸來不道春將暮百草千花寒
食路香車繫在誰家樹淚眼倚樓頻獨語雙燕飛來
陌上相逢不撩亂春愁如柳絮悠悠夢裏無尋處

前調

馮延巳

粉映牆頭寒欲盡
宮漏長時酒醒人
猶困一點春心無
限恨
羅衣印滿啼妝粉
柳暗花飛寒食近
陌上行人
杳不傳芳信
樓上重簷山隱隱
東風盡日吹蟬鬢

前調

馮延巳

六曲闌干偎碧樹
楊柳風輕展盡黃金縷
誰把鈿箏移
玉柱穿簾海燕雙飛去
滿眼游絲蕪落絮
紅杏開時
一霎清明雨
濃睡覺來鶯亂語
鶯殘好夢無尋處

前調

馮延巳

誰道閒情拋棄久，每到春來惆悵還依舊。日日花前常
病酒，不辭鏡裏朱顏瘦。河畔青蕪堤上柳，為問新愁
何事，年年有。獨立小橋風滿袖，平林新月人歸後。

前調

丁謂

十二層樓春色早，三殿笙歌九陌風。光好堤柳岸花連
複道，玉梯相對開蓬島。鶯囀喬林魚在藻，太液微波
綠鬪。王孫草南闕萬人瞻。羽葆後天祝聖，天難老。

前調

丁謂

朱闕玉城通閬苑月桂星榆春色無深淺簫瑟篴笙仙
客宴蟠桃花滿蓬萊殿 九色明霞裁羽扇雲霧為車
鸞鶴駢雕輦路指瑤池歸去晚壺中日月如天遠

前調

晏殊

一霎秋風驚畫扇豔粉嬌紅尚折荷花面草際露垂蟲
響徧珠簾不下留歸燕 埽掠亭臺開小院四座清歡
莫放金杯淺龜鶴命長松壽遠陽春一曲情千萬

前調

晏殊

紫菊初生朱槿墜月好風清漸有中秋意更漏乍長天
似水銀屏展盡遙山翠 繡幕卷波香引穗急管繁絃
共愛人間瑞滿酌玉杯縈舞袂長春祝壽千千歲

前調

晏殊

南鴈依稀迴側陣雪霽牆陰偏覺蘭芽嫩中夜夢餘消
酒困爐香卷穗燈生暈 急景流年都一瞬往事前歡
未免縈方寸臘後花期知漸近寒梅已作東風信

前調

晏殊

檻菊愁煙蘭泣露羅幙輕寒燕子雙飛去明月不諳離
恨苦斜光到曉穿朱戶 昨夜西風凋碧樹獨上高樓
望盡天涯路欲寄彩鸞無尺素山長水濶知何處

前調

晏殊

簾幕風輕雙語燕午睡醒來柳絮飛撩亂心事一春猶
未見餘花落盡青苔院 百尺朱樓閒倚徧薄雨濃雲
底事遮人面消息未知歸早晚斜陽只送平波遠

前調

晏殊

紫府羣仙名籍秘
五色斑龍斲降人間
媚海變桑田都
不記蟠桃一熟三千歲
露滴彩旌雲遶袂
誰信壺中
別有笙歌地
門外落花隨水逝
相看莫惜尊前醉

前調

宋 祁

繡幕茫茫羅帳捲
春睡騰騰困入嬌波慢
隱隱枕痕留
玉臉膩雲斜溜
釵頭燕
遠夢無端歡又散
淚落臙脂
界破蜂黃淺
整了翠鬟勻了面
芳心一寸情何限

前調

歐陽修

簾幕東風寒料峭雪裏梅香先報春來早紅蠟枝頭雙
燕小金刀翦絲呈纖巧旋暖金爐熏蕙藻酒入橫波
困不禁煩惱繡被五更春睡好羅幃不覺紗牕曉

前調

歐陽修

庭院深深深幾許楊柳堆煙簾幕無量數玉勒雕鞍遊
冶處樓高不見章臺路雨橫風狂三月暮門掩黃昏
無計留春住淚眼問花花不語亂紅飛過秋千去

前調

歐陽修

臘雪初消梅蕊綻梅雪相和喜鵲穿花轉睡起夕陽迷
醉眼新愁長向東風亂 瘦覺玉肌羅帶緩紅杏梢頭
二月春猶淺望極不來芳信斷音書縱有爭如見

前調

歐陽修

海燕雙來歸畫棟簾影無風花影頻移動半醉騰騰春
睡重綠鬟堆枕香雲擁 翠被雙盤金縷鳳憶得前春
有箇人人共花裏黃鶯時一啣日斜鶯起相思夢

前調

歐陽修

面旋落花風蕩漾柳重煙深雪絮飛來往雨後輕寒猶
未放春愁酒病成惆悵 枕畔屏山圍碧浪翠被華燈
夜夜空相向寂寞起來褰繡幌月明正在梨花上

前調

歐陽修

永日環堤乘綵舫煙草蕭疎恰似晴江上水浸碧天風
皺浪菱花荇蔓隨雙槳 紅粉佳人翻麗唱驚起鴛鴦
兩兩飛相向且把金尊傾美釀休思往事成惆悵

前調

歐陽修

越女採蓮秋水畔
窄袖輕羅暗露雙
金釧照影摘花花
似面芳心只共絲爭亂
鴻鸕灘頭風浪晚
霧重煙輕
不見來時伴
隱隱歌聲歸棹遠
離愁引著江南岸

前調

歐陽修

水浸秋天風皺浪
縹緲仙舟只似秋天上
和露採蓮愁
一晌看花却是啼妝樣
折得蓮莖絲未放
蓮斷絲牽
特地成惆悵
歸棹莫愁花蕩漾
江頭有箇人相望

前調

歐陽修

梨葉初紅蟬韻歇銀漢風高玉管聲淒切枕簟乍涼銅
漏徹誰教社燕輕離別草際蟲吟秋露結宿酒醒來
不記歸時節多少衷腸猶未說珠簾夜夜朦朧月

前調

歐陽修

翠苑紅芳晴滿目綺席流鶯上下長相逐紫陌閒隨金
轆轤馬蹄踏徧春郊綠一覺年華春夢促往事悠悠
百種尋思足煙雨滿樓山斷續人間倚徧闌干曲

前調

歐陽修

小院深深門掩亞，寂寞珠簾畫閣重重下。欲近禁煙微
雨罷，綠楊深處秋千挂。傳粉狂遊猶未捨，不念芳時
眉黛無人畫。薄倖未歸春去也，杏花零落香紅謝。

前調

歐陽修

欲過清明煙雨細，小檻臨牕點點殘花墜。梁燕語多驚
曉睡，銀屏一半堆香被。新歲風光如舊歲，所恨征輪
漸漸程迢遞。縱有遠情難寫寄，何妨解有相思淚。

前調

歐陽修

畫閣歸來春又晚燕子雙飛柳軟桃花淺細雨滿天風
滿院愁眉斂盡無人見獨倚闌干心緒亂芳草芊綿
尚憶江南岸風月無情人暗換舊遊如夢空腸斷

前調

歐陽修

嘗愛西湖春色早臘雪方銷已見桃開小頃刻光陰都
過了如今綠暗紅英少且趁餘花謀一笑况有笙歌
豔態相縈繞老去風情應不到憑君剩把芳尊倒

前調

晏幾道

卷絮風頭寒欲盡
墜粉飄紅日日香成陣
新酒又添殘
酒困今春不減前
春恨蝶去鶯飛無處問
隔水高樓望斷
雙魚信惱亂橫波秋一寸
斜陽只與黃昏近

前調

晏幾道

初撚霜紈生悵望
隔葉鶯聲似學秦娥唱
午睡醒來慵
一晌雙紋翠簾鋪寒浪
雨罷蘋風吹碧漲
脈脈荷花淚臉紅
相向斜貼綠雲新月上
彎環正是愁眉樣

前調

晏幾道

庭院碧苔紅葉徧金菊開時已近登高宴日日露荷凋
綠扇粉塘煙水澄如練試倚涼風醒酒面鴈字來時
恰向層樓見幾點護霜雲影轉誰家蘆管吹秋怨

前調

晏幾道

喜鵲橋成催鳳駕天為歡遲乞與初涼夜乞巧雙蛾如
意畫玉鈎斜傍西南挂分鈿擘釵涼葉下香袖凭肩
誰記當時話路隔銀河猶可借世間離恨何年罷

前調

晏幾道

碧草池塘春又晚，小葉風嬌，尚學娥妝淺。雙燕來時還
念遠，珠簾繡戶楊花滿。綠柱頻移絃易斷，細看秦箏
正似人情短。一曲啼烏，心緒亂，紅顏暗與流年換。

前調

晏幾道

夢入江南煙水路，行盡江南，不與離人遇。睡裏銷魂無
說處，覺來惆悵佳期誤。欲盡此情書尺素，浮鴈沉魚
終了無憑據，却倚鴟絃，歌別緒，斷腸移破秦箏柱。

前調

晏幾道

醉別西樓醒不記春夢秋雲聚散真容易斜月半牕還
少睡畫屏閒展吳山翠衣上酒痕詩裏字點點行行
總是淒涼意紅燭自憐無好計夜寒空替人垂淚

前調

晏幾道

千葉早梅誇百媚笑面凌寒內樣妝先試月臉冰肌香
細膩風流新稱東君意一稔年光春有味江北江南
更有誰相比橫玉聲中吹滿地好枝長恨無人寄

前調

晏幾道

金剪刀頭芳意動，綠蕊開時不怕朝寒重。晴雪半消花
鬢，鬢曉妝呵盡，香酥凍。十二樓中雙翠鳳，綉綉歌聲
記得江南弄。醉舞春風誰可共，秦雲已有鴛鴦屏夢。

前調

晏幾道

笑豔秋蓮生綠浦，紅臉青腰，舊識凌波女。照影弄妝嬌
欲語，西風豈是繁華主。可恨良辰天不與，纔過斜陽
又值黃昏雨。朝落暮開空自許，竟無人解知心苦。

前調

晏幾道

碧落秋風吹玉樹翠節紅旌晚過銀河路
休笑星機停弄杼鳳幃已在雲深處
樓上金鍼穿繡縷誰管天邊
隔歲分飛苦試等夜闌尋別緒
淚痕千點羅衣露

前調

晏幾道

碧玉高樓臨水住紅杏開時花底曾相遇
一曲陽春春已暮曉鶯聲斷朝雲去
遠水來從樓下路過盡流波
未得魚中素月細風尖垂柳渡
夢魂長在分襟處

前調

晏幾道

黃菊開時傷聚散曾記花前共說深深願重見金英人
未見相思一夜天涯遠羅袖同心閒結徧帶易成雙
人恨成雙晚欲寫彩箋書別怨淚痕早已先書滿

前調

張先

移得綠楊栽後院學舞宮腰二月青猶短不比灞陵多
送遠殘絲亂絮東西岸幾葉小眉寒不展莫唱陽關
真箇無腸斷分付與春春細看條條盡是離人怨

前調

張先

密宴未休池館暮天漢沉沉借得春光住紅翠鬪為長
袖舞香檀拍過驚鴻翥明日不知花在否今夜圓蟾
後夜憂風雨可惜歌雲容易去東城楊柳來時路

前調

柳永

簾下清歌簾外宴雖愛新聲不見如花面牙板數敲珠
一弗梁塵暗落琉璃盞桐樹流聲孤鳳怨漸逗遙天
不放行雲散座上少年聽未慣玉山將倒腸先斷

前調

柳永

獨倚危樓風細細望極離愁黯黯生天際草色山光殘
照裏無人會得凭欄意也擬踈狂圖一醉對酒當歌
彊樂還無味衣帶漸寬終不悔為伊消得人憔悴

前調

蘇軾

花褪殘紅青杏小燕子飛時綠水人家遶枝上柳絲吹
又少天涯何處無芳草牆裏秋千牆外道牆外行人
牆裏佳人笑笑漸不聞聲漸悄多情却被無情惱

前調

蘇軾

一顆櫻桃樊素口不愛黃金只愛人長久學畫鴉兒猶
未就眉尖已作傷春皺撲蝶西園隨伴走花落花開
漸解相思瘦破鏡重圓人在否章臺折盡青青柳

前調

蘇軾

雨過春容清更麗只有離人幽恨終難洗北固山前三
面水碧瓊梳擁青螺髻一紙鄉書來萬里問我何年
真箇成歸計白首送春拚一醉東風吹破千行淚

前調

暮春別
李公擇

蘇軾

簌簌無風花自妥
寂寞園林柳老櫻桃過
落日多情還照座
山青一點橫雲破
路盡河迴千轉柁
繫纜漁邨月暗孤燈火
憑仗飛魂招楚些
我思君處君思我

前調

密州上元

蘇軾

燈火錢塘三五夜
明月如霜照見人
如畫帳底吹笙香
吐麝此般風味應無價
寂寞山城人老也
擊鼓吹簫乍入農桑社
火冷燈稀霜露下
昏昏雪意雲垂野

前調

密州文安國席上

蘇軾

簾外東風交雨霰，簾裏佳人笑語如鶯燕。深惜今年正月暖，燈光酒色搖金盞。搯鼓漁陽搥未徧，舞褪瓊釵汗濕香羅軟。今夜何人吟古怨，清詩未就冰生研。

前調

過連水贈
趙晦之

蘇軾

自古漣漪佳絕地，遶郭荷花欲把吳興比。倦客塵埃何處洗，真君堂下寒泉水。左海門前酤酒市，夜半潮來月下孤舟起。傾蓋相逢拚一醉，雙鳧飛去人千里。

前調

蘇軾

春事闌珊芳草歇客裏風光又過清明節小院黃昏人
憶別落紅處處聞啼鴉咫尺江山分楚越目斷魂消
應是音塵絕夢破五更心欲折角聲吹落梅花月

前調

蘇軾

記得畫堂初會遇好夢驚迴望斷高唐路燕子雙飛來
又去紗牕幾度春光暮那日繡簾相見處低眼佯行
笑整香雲縷斂盡春山羞不語人前深意難輕訴

前調

蘇軾

昨夜秋風來萬里，月上屏幃冷透人。衣袂有客抱衾愁，
不寐那堪玉漏長如歲。羈舍留連歸計未，夢斷魂消
一枕相思淚。衣帶漸寬無別意，新書報我添憔悴。

前調

蘇軾

玉枕冰寒消暑氣，碧簟紗幮向午朦朧睡。鶯舌惺忪如
會意，無端畫扇驚飛起。雨後初涼生水際，人面桃花
的的遙相似。眼看紅芳猶抱蕊，叢中已結新蓮子。

前調

蘇軾

雨霰疎疎經潑火
巷陌秋千猶未清明
過杏子梢頭香
蕾破澹紅褪白
臙脂沉
苦被多情相折挫
病緒厭厭
渾似年時箇
逶徧迴廊
還獨坐
月籠雲暗
重門鎖

前調

蘇軾

蝶懶鶯慵春過半
花落狂風小院
殘紅滿
午醉未醒紅
日晚
黃昏簾幙無人卷
雲鬢鬢髮眉黛淺
總是愁媒
欲訴誰消遣
未信此情難繫絆
楊花猶有東風管

前調

秦觀

曉日窺軒雙燕語似與佳人共惜春將暮屈指豔陽都
幾許可無時霎間風雨 流水落花無問處只有飛雲

冉冉來還去持酒勸雲雲且住憑君礙斷春歸路

前調

送彭舍人
罷徐州

陳師道

九里山前千里路流水無情只送行人去路轉河迴寒
日暮連峯不許重回顧 水解隨人花却住衾冷香銷
但有殘妝汚淚入長江空幾許雙鴻一抹無尋處

前調

李之儀

天澹雲閒晴晝永庭戶深沉滿地梧桐影骨冷魂清如
夢醒夢回猶是前時景 取次杯盤催酩酊醉帽頻欹
又被風吹正踏月歸來人已靜恍疑身在蓬萊頂

前調

李之儀

玉骨冰肌天所賦似與神仙來作煙霞侶枕畔拈來親
手付書牕終日常相顧 幾度離披留不住依舊清香
只欠能言語再送神仙須愛護他時却待親來取

前調

李之儀

為愛梅花如粉面天與工夫不似人間見幾度拈來親
比看工夫却是花枝淺見得歸來臨几硯盡日相看
默默情無限更不與時須百徧分明銷得人腸斷

前調

賀鑄

桃葉園林風日好曲徑珍叢處處聞啼鳥翠珥金丸委
芳草韞羅塵動香裙埽片帆乘興來須早每話長安
引領猶西笑離索年多故人少江南有鴈無書到

前調

賀鑄

排辦張燈春事早十二都門物色宜新曉金犢車輕玉
駉小拂頭楊柳穿馳道 尊羹鱸膾非吾好去國謳吟
半落江南調滿眼青山恨西照長安不見令人老

前調

賀 鑄

睡鴨爐寒熏麝煎寂寂歌梁無計留歸燕十二曲欄閒
倚徧一杯長待何人勸 不識當年桃葉面吟詠佳詞
想像猶曾見兩槩往東風與便潮平月上江如練

前調

賀 鑄

小院朱扉開一扇內樣新妝鏡裏分明見眉暈半深唇
注淺朶雲冠子偏宜面 被掩芙蓉熏麝煎簾影沉沉
祇有雙飛燕心事向人猶覩腆強來牕下尋紅綫

前調

聽周生
鼓琵琶

毛滂

聞說君家傳窈窕秀色天真更奪丹青妙細意端相都
總好春愁春媚生顰笑 瑤玉風前金鳳小那事殷勤
總托琵琶道十二峰雲遮醉倒華燈翠帳花相照

前調

秋晚東歸
留吳甚久

毛滂

江接寒溪家已近想見秋來松菊荒三徑自送吳山秋色盡星星却入雙蓬鬢鳧短鶴長真箇定勛業來遲

不用頻看鏡嬾出問人人不問綠尊倒盡橫書枕

前調

寒秀亭梅

毛滂

相見江南情不少爾許多時怪得無消耗澹日暖雲勾引到闌干寂寞憐春小官面可忤勻畫了粉瘦酥寒一段天真好喚起玉兒嬌睡覺半山殘月南枝曉

前調

寒食

毛滂

紅杏梢頭寒食雨燕子泥新不住飛來去行傍柳陰聞
好語鶯兒穿過黃金縷 桑落酒寒杯嬾舉總被多情
做的無情緒春過二分能幾許銀臺新火重簾暮

前調

東堂手裁
牡丹見花

毛滂

三疊闌干鋪碧甃小雨新晴纔過清明後初見花王披
袞繡嬌雲瑞日明春晝 彩女朝真天質秀寶髻微偏
風捲霞衣皺莫道東君情最厚韶光半在東堂手

前調

春夜
不寐

毛滂

紅影斑斑吹錦片，露葉煙梢寒月娟娟滿。更起遶庭行，
百徧無人祇有棲鶯見。覓箇薄情心對換，愁緒偏長，
不信春宵短。正是碧雲音信斷，半衾猶賴香熏暖。

前調

和孫使君

毛滂

城上春雲低閣雨，漸覺春隨一片花飛去。素頸圓吭鶯，
燕語不妨緩緩歌金縷。墮紀頰網公已舉，但見清風，
蕭瑟隨談麈。借寇假饒天不許，未須忙遣韶華暮。

前調

敬枕

毛滂

不雨不晴秋氣味酒病秋懷不做惺忪地初換夾衣圍
翠被薔薇水潤衙香膩旋折秋英餐露蕊金縷蚪團
更試簾泉水幽夢不來尋小睡無言劃盡屏山翠

前調

杜安世

整頓雲鬟初睡起庭院無風盡日簾垂地畫閣巢新燕
聲喜楊花狂散無拘繫近來早是添憔悴金縷衣寬
賽過宮腰細冉冉光陰似流水春殘鶯老人千里

前調

杜安世

池上新秋簾幙卷
菡萏嬌紅鏡裏西施面
衰柳搖風尚
柔軟眠沙鷗鷺臨清淺
新翻歸翅雲間燕
滿地槐花
盡日蟬聲亂
獨倚闌干暮山遠
一場寂寞無人見

前調

杜安世

籬落繁枝千萬片
猶自多情似雪隨風轉
昨夜笙歌容
易散酒醒添得愁無限
樓上春雲山四面
過盡征鴻
暮景煙深淺
一晌凭闌人未見
紅綃掩淚思量徧

前調

杜安世

惆悵留春留不住欲到清和背我堂堂去飛絮落花和
細雨淒涼庭院流鶯度更被閒愁相賺誤夢斷高唐
回首桃源路一晌沈吟無意緒分明往事今何處

前調

王詵

鐘送黃昏雞報曉昏曉相催世事何時了萬苦千愁人
自老春來依舊生芳草忙處人多閒處少閒處光陰
幾箇人知道獨上高樓雲杳杳天涯一點青山小

前調

賦梅別
公度

舒亶

雪後江城紅日晚暖入香梢漸覺瓊瓏滿髮髯臨風妝
半面水晶斜卷誰庭院 折向尊前君細看便是江南
寄我人還遠手把北枝多少怨小樓橫笛吹腸斷

前調

舒 亶

深炷熏爐扁小院手撚黃花尚覺金猶淺回首畫堂雙
語燕無情漸漸看人遠 相見爭如初不見短鬢潘郎
陡覺年華換最是西風吹不斷心頭往事歌中怨

前調

趙令時

欲減羅衣寒未去不卷珠簾人在深深處殘杏枝頭花
幾許啼紅止恨清明雨 盡日水沉香一縷宿酒醒遲
惱破春情緒飛燕又將歸信誤小屏風上西江路

前調

足司馬才
仲夢中詞

秦觀

妾本錢塘江上住落花開不管流年度燕子銜將春
色去紗牕幾陣黃梅雨 斜插犀梳雲半吐檀板輕敲
唱徹黃金縷夢斷彩雲無覓處夜涼明月生南浦

前調

和王
廉訪

葛勝仲

風過漣漪紋縠細十指香檀驚破交禽睡野蔌溪毛真
易致風流未減蘭亭會擊汰千艘供洛襖映水垂楊
萬縷拖濃翠小海一聲波上戲殷勤留客千金意

前調

照花

葛勝仲

二月春遊須爛漫秉燭看花只為晨曦短高舉蠟薪通
夕看紅光萬丈騰天半寄語平時遊冶伴不負分陰
勝事輸今段燈火休催歸小院殷勤更照桃花面

前調

葛勝仲

已過春分春欲去，千炬花間作意留。春住一曲清歌無
誤，顧繞梁餘韻歸何處。盡日勸春春不語，紅氣蒸霞
且看桃千樹。才子霏譚更五鼓，剩看走筆揮風雨。

前調

周紫芝

天意纔晴風又雨，催得風前日日吹輕絮。燕子不飛鶯
不語，滿庭芳草空無數。春去可堪人也去，枝上殘紅
不忍擡頭覷。假使留春春肯住，喚誰相伴春同處。

前調

謝逸

豆蔻梢頭春色淺
新試紗衣拂袖東風軟
紅日三竿簾幙卷
畫樓影裏雙飛燕
攏鬢步搖青玉碾
缺樣花枝
葉葉蜂兒顫
獨倚闌干凝望遠
一川煙草平如翦

前調

柳五首

周邦彥

愛日輕明新雪後
柳眼星星漸欲穿
牕牖不待長亭傾
別酒一枝已入騷人手
淺淺柔黃輕蠟透
過盡冰霜
便與春爭秀
強對青銅簪白首
老來風味難依舊

前調

周邦彥

桃萼新香梅落後葉暗藏鴉冉冉垂亭牖舞困低迷如
著酒亂絲偏近遊人手 雨過朦朧斜日透客舍青青
特地添明秀莫話揚鞭回別首渭城荒遠無交舊

前調

周邦彥

小閣陰陰人寂後翠幙寒風燭影搖踈牖夜半霜寒初
索酒金刀正在柔荑手 粉薄絲輕光欲透小葉尖新
未放雙眉秀記得長條垂鷁首別離情味還依舊

前調

周邦彥

蠢蠢黃金初脫後暖日飛絲取次黏牕牖不見長條低
拂酒贈行應已輸先手鶯擲金梭飛不透小榭危樓
處處添竒秀何日隋堤縈馬首路長人倦空思舊

前調

周邦彥

晚步芳塘新霽後春意潛來迤邐通牕牖午睡漸多濃
似酒韶華已入東君手嫩綠輕黃成染透燭下工夫
漏洩章臺秀擬插芳條須滿首管教風味還勝舊

前調

早行

周邦彥

月皎驚鳥棲不定更漏將闌轆轤牽金井喚起兩眸清
炯炯淚花落枕紅絲冷執手霜風吹鬢影去意徘徊
別語愁難聽樓上闌干橫斗柄露寒人遠雞相應

前調

周邦彥

魚尾霞生明遠樹翠壁黏天玉葉迎風舉一笑相逢蓬
海路人間風月如塵土翦水雙眸雲半吐醉倒天瓢
笑語生青霧此會未闌須記取桃花幾度吹紅雨

前調

周邦彥

美盼低迷情宛轉愛雨憐雲漸覺寬金釧桃李香苞秋
不展深心黯黯誰能見 宋玉牆頭繞一覘絮亂絲繁
苦隔春風面歌板未終風色便夢為蝴蝶留芳甸

前調

周邦彥

葉底尋花春欲暮折徧柔枝滿手珍珠露不見舊人空
舊處對花惹起愁無數 却倚闌干吹柳絮粉蝶多情
飛上釵頭住若遣郎身如蝶羽芳時爭肯拋人去

前調


周邦彥

酒熟微紅生眼尾半額龍香冉冉飄衣袂雲壓寶釵撩
不起黃金心字雙垂耳 愁入眉痕添秀美無限柔情
分付西流水忽被驚風吹別淚只應天也知人意

前調

曹組

簾卷真珠深院靜滿地槐陰鏤日如雲影午枕花前情
思凝象牀冰簟光相映 過面風清知酒醒沉水竝寒
帶綆來金井滌盡煩襟無睡興闌干六曲還重凭



御選歷代詩餘卷三十九

欽定四庫全書

集部
御選歷代詩餘卷四十

詳校官中書臣潘有為

侍讀臣孫球覆勘

總校官進士臣朱鈺

校對官主事臣陳文樞

滕錄監生臣李元儁

欽定四庫全書

御選歷代詩餘卷四十目錄

六十
字

蝶戀花

下

王采

王安中

三首

向子諲

王庭珪

趙師俠

二首

趙鼎

曾覲

楊无咎

侯寘

辛棄疾
三首

張孝祥

程垓
二首

真德秀

袁去華

張震

趙彥端

劉凝

陸游
三首

楊炎
三首

黃機

劉鎮

吳禮之

王炎

嚴仁 二首

毛玠

高觀國 三首

史達祖

韓澆 二首

方岳 三首

趙崇礪

方千里
四首

楊澤民
四首

汪暉

馮取洽

盧炳
二首

劉翰

黃昇

吳文英 四首

蔣捷

陳允平 五首

周密

張炎 五首

石孝友 二首

何夢桂

于真人

葛長庚

盧氏

李清照
三首

朱淑真

王庭筠

趙可

景覃

段克己

元好問 二首

盧摯

趙孟頫

汪宗臣

姚雲文

詹正 二首

吳元可

蕭允之

劉天迪

周孚先

張翥

張埜

倪瓚

汪斌

凌雲翰

張雨

明仁宗

楊基 二首

莫璠 十首

吳子孝 七首

薛廷寵

吳鼎芳

陳子龍

孫茂芝

朱盛藻 三首

張倩倩

沈靜專 二首

御選歷代詩餘卷四十目錄

欽定四庫全書

御選歷代詩餘卷四十

六十一
字

司經局洗馬掌局事兼翰林院修撰加二級臣王奕清奉

日校刊

蝶戀花 下

蝶戀花 梨花

王采

縷雪成花檀作蕊
愛伴鞦韆搖曳
東風裏翠袖年年寒
食淚為伊牽惹
愁無際
幽豔偏宜春
雨細紅粉闌干

有箇人相似鈿合金釵誰與寄丹青傳得淒涼意

前調

長春花

王安中

曲徑深叢枝裊裊暈粉柔絲破蕊烘清曉十二番開寒
最好此花不惜春歸早青女飛來紅翠少特地芳菲
絕豔驚衰草只滯東風終甚了久長欲伴姮娥老

前調

山茶花

王安中

巧翦明霞成片片欲笑還顰金蕊依稀見拾翠人寒妝
易淺濃香別注脣膏點竹雀喧喧煙岫遠晚色溟濛

六出花飛徧此際一枝紅綠眩畫工誰寫銀屏面

前調

紅梅
花

王安中

青玉一枝紅顥吐粉頰愁寒濃與臘脂傳辨杏猜桃君
莫悞天姿不到風塵處雲破月來花下住要伴佳人
弄影參差舞只有暗香穿繡戶昭華一曲驚吹去

前調

向子諲

洲上百花如錦繡水滿池塘更作濺濺溜斷送風光惟
有酒苦吟不怕因詩瘦尋壑經丘長是久晚晚歸來

稚子柴門候萬事付之醒夢後着頭不為閒愁皺

前調

王庭珪

瓊海無邊銀浪捲畫戟朱樓縹緲雲間見當日使君曾
擁傳海霞光裏時開讌翠竿紅鱗吹酒面莫謂今朝
人在天涯遠彩鳳銜書應不晚願公難老身長健

前調

趙師俠

柳眼窺春春漸吐又是東風搖曳黃金樹宜入新春間
好語一犁處處催耕雨未有花鬚金縷縷醉夢悠揚

似蝶翩躚舞一枕仙遊何處去覺來依舊江南住

前調

臨安道
中賦梅

趙師俠

翦水凌虛飛雪片認得清香雪樹深深見傅粉凝酥明
玉豔含章簷下春風面照影溪橋情不淺羌管聲中
疊恨傳幽怨隴首人歸芳信斷萬重雲水江南遠

前調

趙鼎

盡日東風吹綠樹向晚輕寒數點催花雨年少淒涼天
付與更堪春思縈離緒臨水高樓攜酒處曾倚哀絃

歌斷黃金縷樓下水流何處去凭闌目送蒼煙暮

前調

曾覲

御柳風柔春正暖紫殿朱樓赫奕祥光遠十二玉龍迎
鳳輦香騰錦繡聞絃管扇却雙鸞開寶宴綠遶紅圍
宣勸金卮滿萬歲千秋流寵眷此身欲備昭陽燕

前調

楊无咎

萬里無雲秋色淨上下天光共水交輝映坐對冰輪心
目瑩此身不在塵寰境撲漉文禽飛不定勾引離人

分外添歸興來往悠悠重記省夜闌人散花移影

前調

尋梅

侯真

雪壓小橋溪路斷獨立無言霧鬢風鬟亂拂拭冰霜君
試看一枝堪寄天涯遠擬向南鄰尋酒伴折得花歸
醉著歌聲緩姑射夢回星斗轉依然月下重相見

前調

辛棄疾

燕語鶯啼人乍遠却恨西園依舊鶯和燕笑語十分愁
一半翠圍特地春光暖只道書來無過雁不道柔腸

近日無腸斷柄玉莫搖湘淚點怕君喚作秋風扇

前調

元日
立春

辛棄疾

誰向椒盤簪綵勝整整韶華爭上春風鬢往日不堪重
記省為花常把新春恨春未來時先借問晚恨開遲
早又飄零近今歲花期消息定只愁風雨無憑準

前調

辛棄疾

九畹芳菲蘭佩好空谷無人自怨蛾眉巧寶瑟泠泠千
古調朱絲絃斷知音少冉冉年華吾自老水滿汀洲

何處尋芳草喚起湘纍歌未了石龍舞罷松風曉

前調

張孝祥

漠漠飛來雙屬玉一片秋光染就瀟湘綠雪轉寒蘆花
簌簌晚風細起波紋縠落日孤雲歸意促小倚蓬牕
寫作思歸曲過盡碧灣三十六扁舟只在灘頭宿

前調

程垓

小院秋光濃欲滴獨自鈎簾細數歸鴻翼鴻斷天高無
處覓矮牕催暝蛩催織涼月去人纔數尺短髮蕭騷

醉傍西風立愁眼望天收不得露華衣上三更濕

前調 新柳

程垓

寒意勒花春未足只有東風不管春拘束楊柳滿城吹
又綠可人青眼還相屬小葉星星眠未熟看盡行人
唱徹陽關曲心事一春何計續芳條未展看先蹙

前調 紅梅

真德秀

兩岸月橋花半吐紅透肌香暗把遊人誤盡道武陵溪
上路不知迷入江南去先自冰霜真態度何事枝頭

點點胭脂污莫是東君嫌澹素問花花又嬌無語

前調

袁去華

細雨斜風催日暮一夢華胥記得驚人句霧閣雲牕歌
舞處翠峰青嶂無重數解珮江頭元有路流水茫茫
盡日無人度一點相思愁萬縷幾時却跨青鸞去

前調

張震

梅子初青春已暮芳草連雲綠徧西池路小院繡簾纔
半舉銜泥紫燕雙飛去人在赤欄橋畔住不解傷心

還解相思否清夢欲尋猶間阻紗牕一夜瀟瀟雨

前調

贈別趙邦才席上作

趙彥端

堂外溪橋楊柳畔滿樹東風更若流鶯喚時節清明寒
暖半秦箏欲妒歌珠貫一寸離腸無可斷舊管新收
盡把雙帷卷賴得今年春較晚送人猶有餘紅亂

前調

劉 餗

小立東風誰共語碧盡行雲依約蘭皋暮誰問離懷知
幾許一溪流水和煙雨飄蕩楊花無著處纔伴春來

忙底隨春去只恐遊蜂黏得住斜陽芳草江頭路

前調

陸游

陌上簫聲寒食近雨過園林花氣浮芳潤千里斜陽鐘
欲暝憑高望斷南樓信海角天涯行略盡三十年間
無處無遺恨天若有情終欲問忍教霜點相思鬢

前調

陸游

水漾萍根風卷絮倩笑嬌顰忍記逢迎處只有夢魂能
再遇堪嗟夢不由人做夢若由人何處去短帽輕衫

夜夜看州路不怕銀釭深繡戶只愁風斷青衣渡

前調

陸游

禹廟蘭亭今古路一夜清霜染盡湖邊樹鸚鵡杯深君
莫訴他時相遇知何處冉冉年華留不住鏡裏朱顏
畢竟消磨去一句叮嚀君記取神仙須是閒人做

前調

別范南伯

楊炎

離恨做成春夜雨添得春江剗地東流去弱柳繫船都
不住為君愁絕聽鳴櫓君到南徐芳草渡想得尋春

依舊當年路後夜獨憐回首處亂山遮隔無重數

前調

稼軒生間作

楊炎

點檢笙歌多釀酒不放東風獨自迷楊柳院院翠陰停
永晝曲欄隨處堪垂手昨日解醒今夕又消得情懷
長被春倂懋門外馬嘶人去後亂紅不管花消瘦

前調

楊炎

萬點飛花愁似雨峭殺春寒不會留春住滿地亂紅風
掃聚只教燕子銜將去獨倚闌干閒自覷深院無人

金分四九
卷四十
行到無情處
簾外絲絲楊柳舞
又還裝點人情緒

前調

黃機

碧樹涼颼
驚畫扇
牕戶齊開
秋意參差滿
先自離愁栽
不斷蛩螢
更作聲聲怨
山遠千重溪
百轉隔了溪山
夢也無由見
歸計憑誰占
近遠銀釭
昨夜如花糝

前調
七夕

劉鎮

誰送涼蟾
消夜暑
河漢迢迢
牛女何曾渡
乞得巧來無
用處
世間枉費閒鍼縷
人在江南
煙水路
頭白鴛鴦

不道分飛苦信遠翻嗔烏鵲誤屏山暗鎖巫陽雨

前調

吳禮之

滿地落紅初過雨綠樹成陰紫燕風前舞煙草低迷縈
小路畫長人靜扃朱戶沈水香銷新翦葦歌枕朦朧
花底聞鶯語春夢又還隨柳絮等閒飛過東牆去

前調

崇陽縣
圖夜飲

王炎

纖手行杯紅玉潤滿眼花枝雨過臙脂嫩新月一眉生
淺暈酒闌無奈添春困喚起醉魂君莫問憔悴容顏

羞與花相近人自無情花自韻
風光易老何須恨

前調

快閣

嚴仁

傑閣青紅天半倚
萬里歸舟更近闌
干檣木落山寒
鳧雁起一聲漁笛
滄洲尾
千古文章黃太史
捫蝨高風
長照冰壺裏
何以薦君秋
玉蕊癭瓢為酌
西江水

前調

嚴仁

院靜日長花氣暖
一簇嬌紅得見春
深淺風送生香來
近遠笑聲只在鞦韆畔
目力未窮腸已斷
一寸芳心

更逐游絲亂朱戶對開簾卷半日斜江上春風晚

前調

毛玕

羅襪匆匆曾一過烏鵲歸來怨感流年度別袖空看啼
粉污相思待倩誰分付殘雪江邨迴馬路娟娟春寒
簾幕空疑佇人在梅花深處住梅花落盡愁無數

前調

高觀國

雲喚陰來鳩喚雨謝了紅梅可踏江頭路拚却一番花
信阻不成日日春寒去見說東風桃葉渡隔岬青山

依舊修眉嫵歸燕不如箏上柱一行常見相思苦

前調

題巖室

高觀國

巖室歸來非待聘渺渺千崖漠漠江千頃明月清風休
弄影只愁踏破蒼苔徑 摘取香芝醫鶴病正要臞仙
相伴清閒性朝市不聞心耳靜一聲長嘯煙霞冷

前調

湖頭
即席

高觀國

西子湖邊看翠嫵魂冷孤山誰是風煙主相喚吟詩天
欲雨嫩涼不隔鷗飛處 移下天孫雲錦渚翠蓋牽風

綽約凌波女清約已成君記取月明夜半魚龍舞

前調

史達祖

二月東風吹客袂蘇小門前楊柳如腰細蝴蝶識人遊
冶地舊曾來處花開未 幾夜湖山生夢寐評泊尋芳
只怕春寒裏今歲清明逢上巳相思先到湔裙水

前調

韓 澆

盡道今年梅較早梅與人情覺得梅偏好一樹南籬香
未老春風已自生芳草 來自城中猶帶曉行到君家

細雨吹池沼，悵望沙坑。須會到玉溪，此意年時少。

前調

韓 澆

道上疎梅花，一樹人去。人來不管流年度，閒過南隴同
散步。東風為我吹香去。試問青春，今幾許。明日新正
溪影橫山暮。遮莫攀翻君且住。心兒却在題詩處。

前調

方 岳

山抹修眉橫綠淨。浦溆生寒，立盡梧桐影。香燭未銷簾
幙靜。醉紅如洗風吹醒。一夜秋聲連玉井。夢落孤篷。

已盡山陰興戍角淒涼清漏永江南煙雨何堪省

前調

方岳

秋水涵空如鏡淨滿鏡清寒倒碧搖山影葯戶誰抨圓
玉靜碧紗人怯黃昏醒 叢桂小山寒井井喚起江南
一葉尊鱸興先自新愁愁夜永不堪宋玉重提省

前調

秋懷

方岳

鴈落寒沙秋惻惻明月黃花共是江南客騎鶴樓高邊
羽急柔情不盡淮山碧 世路只催雙鬢白菰米萸羹

正是令人憶歸夢不知江水隔煙帆飛過平如席

前調

趙崇璠

一翦微寒禁翠袂花下重開舊燕添新壘風旋落紅香
匝地海棠枝上鶯飛起薄霧籠春天欲醉碧草澄波
的的情如水料想紅樓挑錦字輕雲澹月人憔悴

前調

柳四首次
周美成韻

方千里

漏洩東風消息後短葉長條著意遮牕牖嫩比鵝黃初
熟酒染勻却費春風手萬縷篩金新月透入夜柔情

還勝朝來秀綵筆雕章知幾首可人襟韻無新舊

前調

方千里

一搦腰支初見後恰似娉婷十五藏朱牖春色惱人濃
抵酒風前脈脈如招手 黛染修眉蛾綠透態婉儀閒
自是芳閨秀堪惜年華同轉首女郎臺畔春依舊

前調

方千里

碎玉飛花寒食後薄影行風終日穿疎牖有客思歸還
把酒閒吹倦絮輕黏手 雪滿愁城寒欲透飄盡殘英

翠幄成纓秀張緒風流今白首少年襟度難如舊

前調

方千里

翠浪藍光新雨後整整斜斜高下籠牕牖萬斛深傾重
碧酒量愁知落何人手 攏霧梳煙晴色透照影回風

一段嫣然秀白下門東空引首藏鴉枝葉長懷舊

前調

柳四首次
周美成韻

楊澤民

臘盡江南梅發後萬點黃金嬌眼初穿牖曾見渭城人
勸酒嫩條輕拂傳杯手 料峭東風寒欲透暗點輕煙

便覺添疎秀莫道故人今白首人雖有故心無舊

前調

楊澤民

初過元宵三五後曲檻依依終日搖金牖瘦損舞腰非
為酒長條聊贈垂鞭手 幾葉小梅春已透信是風流
占盡人間秀走馬章臺還舉首可人標韻彊如舊

前調

楊澤民

寂寞春殘花謝後花絮輕盈點點穿風牖穠綠陰中人
賣酒涼生午扇都停手 葉密啼鶯飛不透要詠清姿

除是憑才秀往日周郎為唱首今將高韻重翻舊

前調

楊澤民

百卉千花都綻後
浥露依風翠影籠
芳牖杏臉桃腮勻
著酒青紅相映如攜手
一段簾絲風約透
高下亭臺
表裏俱清秀
幾度長堤頻矯首
青青顏色新於舊

前調

秋夜簡
趙尉

汪暉

午夜涼生風小住
銀漢無聲雲約疎
星度佳客欲眠知
未去對牀只欠瀟瀟雨
素月四更山外吐
酒醒衾寒

消盡沈煙縷料想玉樓人倚處歸帆目佇煙中浦

前調

馮取洽

秋到雙溪溪上樹葉葉涼聲未省來何許盡拓溪樓牕
與戶倚闌清夜窺河鼓那得吟朋同此住獨對秋芳
欲寄花無處杖屨相從曾有語未來先自愁君去

前調

盧炳

滿架冰蕤開徧了試問花神留得春多少清勝荀香嬌
韻好謝庭風月應難到酒釀新醅名不老醉倒花前

真箇無煩惱滿座清歡供一笑春醒拚却明窓曉

前調

和人
探梅

盧炳

羅幙護寒遮曉霧愛日烘晴又是年華暮瀟灑江梅爭
欲吐暗香洩漏春來處何日尋芳溪畔路挈榼攜筇
寫景論心素千里相逢真會遇羨君解道江南句

前調

劉翰

團扇題詩春又晚小夢驚殘碧草池塘滿一曲銀鈎簾
半捲綠牕睡足鶯聲軟瘦損衣圍羅帶減前度風流

陡覺心情懶誰品新腔拈翠管畫樓吹徹江南怨

前調

黃昇

百計留春春不住褪粉吹香日日催教去心事欲憑鶯
語訴流鶯剗地無憑據綠玉闌干圍綺戶一點柔紅
應在深深處想倚翠簾吹柳絮淺顰惆悵芳期悞

前調

吳文英

明月枝頭香滿路幾日西風落盡花如雨倒照秦眉天
鏡古秋明白鷺雙飛舞自摘霜蔥宜薦俎可惜重陽

不把黃花與帽墮，笑憑纖手取清歌。莫送秋聲去。

前調

題華山
道女扇

吳文英

北斗秋橫雲鬢影，鶯羽衣輕腰減青絲刺。一曲游仙聞玉磬。月華深院人初定。十二闌干和笑凭。風露生寒人在蓮花頂。睡重不知殘酒醒。覺來幾度啼鴉暝。

前調 七夕

吳文英

開過南枝花滿院，新月西樓相約同鍼線。高樹數聲蟬送晚。歸家夢向斜陽斷。夜色銀河清一片。輕帳偷歡。

銀燭羅屏怨陳迹
曉風吹霧散
簾鉤空帶蛛絲捲

前調

化度寺晚
蓮有感

吳文英

湘水煙中相見早
羅蓋低籠紅拂
猶嬌小
妝鏡明星爭
晚照西風目送凌波杳
惆悵來遲羞窈窕
一霎留連
相伴闌干悄
今夜西池明月到
餘香翠被空秋曉

前調 風蓮

蔣捷

我愛荷花花最軟
錦撈雲挨朶朶
嬌如顫
一陣微風來
自遠紅低欲蘸涼波淺
莫是羊家張靜婉
抱月飄煙

舞得腰肢倦偷把翠羅香被展無眠却又頻翻轉

前調

柳四首次
周美成韻

陳允平

謝了梨花寒食後翦翦輕寒曉色侵書牖寂寞情懷如
中酒攀條恨結束風手淺黛嬌黃春色透薄霧輕煙
遠映蘇堤秀目斷章臺愁舉首故人應似青青舊

前調

陳允平

牆外鞦韆花影後環獸金懸暗綠籠朱牖為怯輕寒猶
殢酒同心共結懷纖手粉袖盈盈香淚透感損雙眉

嬾畫遙山秀柔弱風條低拂首渭城歌舞春如舊

前調

陳允平

寂寞長亭人別後一把垂絲亂拂閒軒牖三月春光濃
似酒傳杯莫放纖纖手金縷依依紅日透舞徹春風
不減蠻腰秀撲鬢楊花如白首少年張緒心如舊

前調

陳允平

落盡櫻桃春去後舞絮飛絲撲靸穿簾牖惜別情懷愁
對酒翠條折贈勞纖手繡幕深沈寒尚透雨雨晴晴

裝點西湖秀，悵望章臺愁。轉首畫闌十二，東風舊

前調

次周美成韻

陳允平

樓上鐘殘人漸定，庭戶沈沈。月落梧桐井，悶倚瑣窗燈。
炯炯獸香閒伴銀屏冷，浙瀝西風吹鴈影。一曲秋笳
別後誰堪聽，誓海盟山虛話柄。憑書問著無言應。

前調

生香亭

周密

竹窈花深連別墅，曲曲迴廊小小。閒庭宇，忽地香來無
覓處。杖藜閒趁游蜂去。老桂疑秋森玉樹，澗底孤芳

苒苒吹詩句一掬幽情知幾許鈎簾半畝藤花雨

前調

贈楊柔御

張炎

頗愛楊瓊妝澹注猶理螺鬟擾擾髮雲聚雨翦秋痕流
不去佯羞却把周郎顧欲訴閒愁無說處幾過鶯簾
聽得間闕語昨夜月明香暗度相思忽到梅花樹

前調

飲杏花下

張炎

仙子鋤雲親手種春鬧枝頭消得微霜凍可是東風吹
不動金鈴懸網珊瑚重社燕盟鷗詩酒共未足游情

剛把斜陽送今夜定應歸去夢青蘋流水簫聲弄

前調

賦艾花

張炎

巧結分枝黏翠艾翦翦香痕細把泥金界小簇葵榴芳
錦隘紅妝人見應須愛午鏡將拈開鳳蓋倚醉凝嬌
欲戴還慵戴約臂猶餘朱索在梢頭添掛朱符袋

前調

山茶

張炎

花占枝頭快日焙金汞初抽火鼎鉛華退還似癡痕塗
賴髓膳脂澹抹微酣醉數朶折來春檻外欲染清香

只許梅相對不是臨風珠蓓蕾山童隔竹休敲碎

前調

秋鶯

張炎

求友林泉深密處弄舌調簧如問春何許燕子先將雛
燕去淒涼可是歌來暮喬木蕭蕭梧葉雨不似尋芳
翻落花心露認取門前楊柳樹數聲須入新年語

前調

石孝友

寒卸園林春已透紅著溪梅綠染前堤柳見箇人人今
感舊引杯相屬蒲塘酒金縷歌中看黛皺多少閒愁

惜與傷春瘦明日馬蹄浮野秀柳顰梅慘空回首

前調

石孝友

薄倖人人留不住楊柳花時還是成虛度一枕夢回春
又去海棠吹落胭脂雨金鴨未消香篆吐斷盡柔腸
看取沈煙縷獨上危樓凝望處西山暝色連南浦

前調

何夢桂

風信花殘吹柳絮柳外池塘乳燕時飛度漠漠輕雲山
約住半邨煙樹鳩呼雨竹院深深深幾許深處人閒

誰識閒中趣，彈徹瑤琴，移玉柱。蒼苔滿地，花陰午。

前調

于真人

綠暗紅稀，春已暮。燕子銜泥飛入，垂楊處。柳絮欲停風，不住杜鵑聲裏。山無數。竹杖芒屨，無定據。穿過溪南，獨木橫橋路。樵子漁師，來又去。一川風月，誰為主。

前調

題愛閣

葛長庚

冷雨疎風，涼漠漠。雲去雲來，萬里秋陰薄。笑倚玉闌呼白鶴。煙籠素月，青天角。竹影松聲，渾似昨。醉膽如天。

金分四ノ二二
卷四十
誰道詞源涸滿地蒼苔霜葉落今宵不飲何時樂

前調

宋媛
盧氏

蜀道青天煙霧翳帝里繁華迢遞何時至回望錦川揮
粉淚鳳釵斜鞞烏雲膩綬帶雙垂金縷細玉珮珠璫
露滴寒如水從此鸞妝添遠意畫眉學得遙山翠

前調

宋媛
李清照

淚搵征衣脂粉暖四疊陽關聽了千千徧人到山長水
又斷蕭蕭微雨聞孤館惜別傷離方寸亂忘了臨行

酒盞深和淺若有音書憑過鴈東萊不似蓬萊遠

前調

李清照

永夜厭厭歡意少空夢長安認取長安道為報今年春色好花光月影宜相照
隨意杯盤雖草草酒美梅酸恰稱人懷抱醉莫插花花莫笑可憐春似人將老

前調

李清照

暖雨和風初破凍柳眼梅腮已覺春心動酒意詩情誰與共淚融殘粉花鈿重
乍試夾衣金縷縫山枕敲斜

枕損釵頭鳳獨抱濃愁無好夢夜闌猶翦燈花弄

前調

送春

宋媛

朱淑真

樓外垂梅千萬縷欲繫青春少住春還去猶自風前飄
柳絮隨春且看歸何處滿目山川間杜宇便做無情
莫也愁人意把酒送春春不語黃昏却下瀟瀟雨

前調

王庭筠

衰柳踈踈苔滿地十二闌干故國三千里南去北來人
老矣短亭依舊殘陽裏紫蟹黃柑真解事似倩西風

勸我歸歟未王粲登臨寥落際雁飛不斷天連水

前調

趙可

霜樹重重青嶂小高棟飛雲正在霜林杪九日黃花纔
過了一尊聊慰秋容老翠色有無看澹掃身在西山
却愛東山好流水極天橫晚照酒闌望斷西河道

前調

景覃

倦客情悰紛似縷深院無人臥聽秋蟲語歸意已攪新
鴈去晚涼更作瀟瀟雨架上秋衣蠅點素冷菊殘妝

尚被春花妒別有溪山容杖履等閒不許人知處

前調

聞鶯有感

段克已

鷓鴣一聲春已曉蝴蝶雙飛暖日明花草花底笙歌猶
未了流鶯又復催春老 早是殘紅枝上少飛絮無情
更把人相惱老檜獨含冰雪操春來悄莫人知道

前調

戊辰歲長安作

元好問

一片花飛春意減雨雨風風常恨尋芳晚若箇花枝偏
入眼尊前細向春風揀 醉裏看花雲錦爛只記鶯聲

不記紅牙板留住佳人鸚鵡盡明朝剗把長條挽

前調

白鹿原
新齋作

元好問

負郭桑麻秋果重十角吳牛分得山田種鄉社雞豚人
與共春風漸入浮蛆瓮 遠屋清溪醒午夢一榻脩然
坐受雲山供四海虛名將底用一聲啼鳥巖花動

前調

盧摯

越水涵秋光似鏡泛我扁舟照我綸巾影野鶴閒雲知
此興無人說與沙鷗省 回首天涯江路永遠樹孤村

數點青山暝夢過
煮茶巖下聽石泉
嗚咽松風冷

前調

趙孟頫

儂是江南遊冶子
烏帽青鞵行樂東風裏
落盡楊花春滿地
萋萋芳草愁千里
扶上蘭舟人欲醉
日暮青山相映雙蛾翠
萬頃湖光歌扇底
一聲吹下相思淚

前調

清明前兩日間燕

汪宗臣

年去年來來去早
怪底不來庭院春光老
知向誰家翻別調
家家望斷飛蹤杳
千里瀟湘煙渺渺
不記雕梁

舊日恩多少
逼近清明纔一到
故巢猶在朱檐曉

前調

姚雲文

春到海棠花幾信
候館餘寒欲雨征
衣潤燕認杏梁棲
未穩牡丹忽報清明近
恨入青山連曉鏡
香雪柔酥應被春消盡
繡閣深深人半醒
燭花貼在金釵影

前調

詹正

微雨燒香餘潤氣
新綠惜惜乳燕相依睡
無復卷簾知
客意楊花更欲因風起
舊夢蒼茫雲海際
彊作歡娛

不覺當年似曾笑浮花并浪蕊如今更惜棠梨子

前調

詹正

日晚游人酥粉浣四雨亭前面面看花坐扇拂遊蜂青
杏墮新紅一路秋千過簾外清歌簾底和自理琵琶
不用笙簧佐八摺香羅餘碧唾露花點筆輕題破

前調

吳元可

人自憐春春未去萱草石榴也解留春住只到送春無
送處山花落得紅成路高處鶯啼低蝶舞何況日長

燕子能言語付與光陰相客主晴雲又卷西邊雨

前調

舟行
懷舊

蕭允之

十幅歸帆風力滿記得來時買酒朱橋畔遠樹平蕪空
目斷亂山惟見斜陽半誰把新聲翻玉管吹過滄浪
多少傷春怨已是客懷如絮亂畫樓人更回頭看

前調

劉天迪

一翦清波嬌欲溜綠怨紅愁長為春風瘦舞罷金杯看
黛皺背人倦倚晴牕繡臉暈潮生微帶酒催唱新詞

不應頻搖手閒把琵琶調未就羞郎還又垂紅袖

前調

周孚先

舟樣津亭何處樹曉起瓏璵回首迷煙樹江上離人來
又去飄零只似風前絮倦倚篷牕誰共語野草閒花
一一傷離緒明日重來須記取綠楊門巷深深處

前調

張翥

陌上垂楊吹絮罷愁殺行人又是春歸也點點飛來珠
淚灑多情解逐章臺馬瘦盡柔絲無一把細葉青蘋

閒却當時畫惆悵此時何處寫黃昏澹月疎簾下

前調

張 埜

狼藉春衫愁萬點半是征塵半是啼痕
染別久流光空冉冉料應病頰成雙靨
羅帶同心香未斂甚日蘭舟重把歸妝
檢極目畫樓雲樹掩憑誰翦却吳江險

前調

倪 瓚

夜永愁人偏起早容鬢蕭蕭鏡裏看
枯槁雨葉鋪庭風為掃閒門寂寞生秋草
行路難行悲遠道說著征途

金定四庫全書
卷四十一
著處皆煩惱久客還家貧亦好無家漫自傷懷抱

前調送春

汪 斌

芳草天涯猶未歇暗綠稀紅柳絮纒飄雪有意送春還
惜別杜鵑爭奈催歸切 繡閣無人簾半揭苦憶邊城
十載音書絕惟有東風無異說年年來趁梅花月

前調

凌雲翰

過雨春波浮鴨綠草閣三間人住清溪曲舊種小桃多
映竹亂紅遮斷松邊屋 有客抱琴穿翠麓隔水呼舟

應是憐幽獨，歷歷武陵如在目。幾時同借仙源宿。

前調 新柳

張雨

誰道鶯兒黃似酒，對酒新鶯得似垂絲柳。鉛粉泥金初
染就。年年春雪消時候。一縷柔情能斷否。雨重煙輕
無力縈。牕牖試看溪南陰。十畝落花都聚紅雲帚。

前調 題九月
海棠

明仁宗

煙抹霜林秋欲困，吹破胭脂便覺西風潤。翠袖怯寒愁
一寸。誰家庭院黃昏信。明月修容生遠恨。旋摘餘嬌

簪滿佳人鬢醉倚小闌花影近不應先有春風分

前調

閨情

楊基

淨洗胭脂輕掃黛鬪草庭邊自拗梨花戴一段心情空
自愛風流那得時常在 屈指春光歸已快不捲珠簾
又恐東風怪花影低將新月礙小闌干外深深拜

前調

卜居

楊基

人間何處宜閒住除却桃源便向瀟湘去楊柳桃花千
萬樹不須更覓深深處 白鷺輕鷗為伴侶女嫁漁郎

男娶漁翁女已辦綠蓑眠細雨料應天意還相許

前調

蘇堤
春曉

莫璠

十里樓臺花霧繞宜雨宜晴山色籠春曉楊柳梢頭殘
月小海棠枝上猶眠鳥 蘭帳玉人初睡覺試問樓前
畫舫開多少報道尋芳人起早紫駟嘶過香塵道

前調

平湖
秋月

莫璠

璧月沈輝湖淥靚一色琉璃倒湛山河影貝闕琳宮明
愈瑩人間無此清涼境 笑擷芙蓉垂舴艋醉掬文漪

搖動金千頃欲喚坡仙同賦詠桂花露濕衣襟冷

前調

柳浪
聞鶯

莫璠

西子湖頭春過半萬樹垂楊洵似波紋亂黃褪綠勻誰
暗換駿遊來繫花驄慣紅喙嬌鶯啼緩緩韻叶笙簧
幾被風吹斷惱亂佳人停鳳管背花偷把春纖按

前調

花港
觀魚

莫璠

杜若浮香春霽雨浪暖桃花錦漲鴛鴦渚碧藻叢深菱
葉底纖鱗吹沫搖頰尾戲把金鈎垂綠水却憶雕闌

翠袖人同倚腸斷蕭娘無一紙相思欲報憑雙鯉

前調

南屏
曉鐘

莫璠

翠巘深深幾許佛閣華鐘鯨吼西風裏回首南莊行
樂地暝煙隔斷青蓮宇宴飲芳園人散去金鑰嚴城
次第催將閉一望長橋燈火起絳紗影裏聯歸騎

前調

斷橋
殘雪

莫璠

快雪時晴寒尚冱玉屑銀沙紛滿湖南路一道垂虹如
約素裙腰草色非前度斷玦遺環愁日暮想像凌波

羅韞應難步欲探梅花何處所山童指點逋仙墓

前調

雷峰夕照

莫璠

古塔斜陽紅欲暝西崦人家半在桑榆影水映殘霞如
濯錦煙花佛國非凡境十里畫船歸欲盡漁唱菱歌
別是湖中景待月有人樓上等珠簾半卷闌重凭

前調

麴院荷風

莫璠

五月涼風來麴院綠水芙蓉紅白都開徧風遞荷香清
不斷採蓮舟過歌聲緩醉折碧筒供笑翫翠蓋紅綃

高下翻零亂向晚新涼生酒面六銖衣薄停紈扇

前調

兩峰
插雲

莫璠

南北雙峰雲氣繞玉削芙蓉迴出青天表金碧浮圖瞻
縹緲朱甍繡檻臨黃道下界紅塵飛不到東望彤庭
日出扶桑曉願借謫仙希有烏瑤笙吹上蓬萊島

前調

三潭
印月

莫璠

秋靜寒潭澄見底玉色蟾蜍飛入清冷水睡熟驪龍呼
不起頷珠光照冰壺裏
讌賞此時能有幾遙憶同歡

今夜人千里試問龍淵深幾許騎鯨欲共姮娥語

前調

對月獨酌二首

吳子孝

雲細晚來翻作雨皎月初升誰埽雲飛去寒露漸零蟲
夜語珠簾捲却香消縷獨坐獨吟杯獨舉寂寞茅堂
無限秋情緒丘壑風流吾自許舉杯邀月天應與

前調

吳子孝

雲妒中天離海月巧掩橫遮雲裏還如雪無客向雲天
上說廣寒常在雲須滅桂子飄香香未歇萬里清輝

共仰琉瓈闕畫鼓春雷秋後發玲瓏石畔歌清絕

前調

吳子孝

繡幕玲瓏花影碎好鳥花間報道春光媚紅錦地衣拖
舞袂畫堂日日笙歌沸年少潘郎長得意羅綺生香

坐擁神仙麗萬紫千紅花富貴肯教容易春歸去

前調

吳子孝

菑苜花香來別館華屋巢成高下飛銀翦冰李金盤傳
玉腕瀟湘煙遶屏山遠 窗下榴花紅照眼閒並瑤笙

欽定四庫全書

御選歷代詩餘

卷四十

三

坐對雙蛾淺小院雨餘明月滿良宵不覺更籌短

前調

吳子孝

庭下碧梧飄一葉蕭灑新秋瓊砌鳴蛩切殘暑漸拋團
扇月西風卷盡雲千疊 鴈字樓前明又滅滿院天香
是處飛丹雪小苑曉來風景別溪山相映冰壺徹

前調

吳子孝

天氣初寒梅萼小畫閣春多金獸添沈腦錦帳淺斟低
唱好紅顏依舊人難老 雪意方濃風料峭百尺瑤臺

雙鶴來蓬島一點陽和傳蕙草玉山愛向金尊倒

前調

吳子孝

畫閣黃昏聞燕語池上風來涼度芭蕉樹可惜閒心無
伴侶美人門外來雙屐血色生綃籠蠟炬酒瀉新荷
便當瓊杯舉滿口清寒流玉縷綠莖香勝金莖露

前調

薛廷寵

綠楊枝上黃鸝小長路關情花鳥三春了雲水迢迢鄉
夢杳夭桃穠李空開笑江笛一聲天正曉雨色愁人

征騎忙多少紫苻風牽羅帶繞晚來頓覺輕寒峭

前調

吳鼎芳

簾外遊絲飛去了打疊閒愁斷送啼鶯曉一曲畫闌銀
月小玳牀人倦殘香香 生怕金鈴催宿鳥叫過三更
月與花都少斜倚博山幽恨悄雙眉做就堆煩惱

前調

春日

陳子龍

雨外黃昏花外曉催得流年有恨何時了燕子又來春
漸老亂紅相對愁眉掃 午夢闌珊歸路杳醒後思量

踏徧閒庭草幾度東風人意惱深深院落芳心小

前調

二月晦遊
東郊松林

孫茂芝

落盡棠梨春已暮芳草多情纔過濛濛髮雨柳絮顛狂飛
不住秋千正在濃陰處 廟口神絃初罷舞畫扇輕衫
隨意城東步笑逐鈿車歸去路酒香一行青松樹

前調

桂影

明媛

朱盛藻

寶魄初臨青玉樹萬疊濃陰一點窺人處笑印參差看
黛譜暈灰學畫檀深注 庭轉金波疑漸曙鸞尾偏棲

乍怯霓裳露待到深秋金粟吐輕裾又襲幽芬暮

前調 柳影

朱盛藻

永日三眠顰較嫵困態初舒莫遣紅妝妒自有明珠生
遠浦舞低恍向樓心覩拂地長條誰是主露下芙蓉
只恐難留住好趁煙光凝地護交枝漫鎖長門路

前調 薇影

朱盛藻

亞朶蒙茸間暮雨池水空明倒寫如紅霧百日芳菲香
漸布三番屈指看三五禁院仙郎傳伴侶瞥覩如花

省識難憑據綺閣輕陰須記取玉纖指處篩金縷

前調

明媛
張倩倩

漠漠輕陰籠竹院細雨無情淚濕霜花面落葉西風吹
不斷長溝流盡殘紅片千徧相思纔夜半又聽樓前
叫過傷心鴈不恨天涯人去遠三生緣薄吹簫伴

前調

詠蝶

明媛
沈靜專

舞向低檐依嫩綠翠冷天涯影斷吹愁續幻就雲衣飛
態足粉煙浥露枝頭浴風動猶疑翻紫玉引得佳人

自少日人言
卷四十一
誤入花陰撲靜斂香鬢還自宿蜂媒覓伴仍相促

前調

沈靜專

遠樹披煙翻翠縷繡粉生香寒月梨花露柳蕩雲輕春
半暮殘陽流影低花塢枝上嬌鶯猶解翹草綠簾陰
生啓愁歸路搏就芳華天可悞悲歌又把年光度

御選歷代詩餘卷四十